

江

西

詩

徵

江西詩徵卷六十二

南城曾煥賓谷編輯

明

鄒維璉

維璉字德輝號匪石新昌人萬歷三十五年進士  
官吏部考功郎中上疏劾魏璫謫戍施州衛崇禎  
中巡撫福建平海寇有功爲溫體仁所忌罷歸再  
起兵部侍郎未赴而卒有願學編及宦遊友白導  
噫等集

古意

百年苦瞬息人事復乖違園中桃與李安能久芳菲天風

掃枯葉北鴈忽南歸嗟我行役人年年戍金微感策自西  
來游子未授衣嚴霜墮關塞明月照孤幃兩地共搖落兩  
情共歎歔

述懷

羶塗難久居盛名寧久留所以鷗鷺子五湖一扁舟應無  
雄辯士俯仰燕客求回時忌成功急湍無安流美服人所  
指權利殊爲憂

秋興

鷗臬得腐鼠輒以嚇鷄雛鷄雛飲清露高飛棲碧梧飄然  
樊籠外野性常白如鷗臬卽飽食能勿畏張弧古云鹿生  
山命已懸庖厨達人訪物理深藏賦遂初

初至夜郎

遠戍天涯事可悲  
踈狂真負聖明時  
誰言鴻鵠能千里  
差喜鷦鷯託一枝  
草野數懸丹闕夢  
鄉園空望白雲期  
高山流水情堪詠  
已擬埋名老下帷

閨怨

妾恨憑誰寄  
君懷祇自知  
堂前雙燕子  
歲歲赴春期  
陌上偶成

青青道旁柳  
轉眼忽成圍  
男兒客他鄉  
安知歲月非

羅萬象

萬象字光大  
南昌人  
萬歷三十七年鄉舉  
官南京戶科給事中

宿文殊菴值雨

一壑藏舟小風雷儼帝威  
佛龕燈影亂蟲砌雨聲闐  
世道留餘拙臺心晤昨非  
已教雙鬢禿莫更負初衣

秋興

爲愛濤聲一葉遊繁華應說古揚州  
興亡事業滄桑換今古文章筆墨留  
人以亂餘爭避地客當倦後易悲秋  
仲宣樓上頻登眺遠水閒雲杜葦洲

汪應婁

應婁字漢章南昌人萬歷三十七年鄉舉公車不第與張洪陽及里中耆宿結匡山社徜徉山水間晚就浮梁教諭以母憂歸卒著有栖約齋玉臺庵

黃山雲居諸遊草

潯陽驛望廬山有懷靖節遠師

琵琶洲畔客遙望總淒其鄉近長風送山高落照歆酒家  
尋栗里詩社問蓮池難得停舟楫鐘聲乍起時

聽泉

洪厓仙去後瀑布不停飛無復塵堪浣寒流上客衣

張鳳拱

鳳拱字瑞日南豐人照子萬歷三十七年鄉舉

登麻姑和趙星門咏

葛袖翩翩訪玉壇碧霞深處一盤桓客來陵谷千年在仙  
去滄桑幾度看遠瀑聲喧晴乍雨高松影靜夏生寒羽觴

未盡青山暮擬有天風送紫鸞

孫應嶽

應嶽大庾人萬歷三十七年鄉舉

羅漢洞

老宿何年入幽巖化石竒香藤枯嚙鼠華雨潤浮龜瀑響  
停琴佇林陰聽講移我來同說法應爲照鬚眉

夏以賓

以賓字于王新建人萬歷三十七年鄉舉歷官寧  
波同知以孤軍挫海寇數萬遭讒左遷拂衣歸著  
有奚囊蠹餘理閩猷錄

疏圃居

生成澤國足生涯萬里滄洲卧綠葭昔伴魚龍濤作屋今  
依鷗鷺水爲家三清鐘磬無塵夢四壁湖山有斷霞老我  
此時饒白髮更于何處問丹砂

王用霖

用霖原名以稼字淑躬南康人萬歷三十七年鄉  
舉知廣西岑溪縣以禮義化苗俗陞樂平同知致  
仕歸

望梅閣

巋然高閣古雲封借得梅陰幾樹重花色好分千巘雪荒  
音初定一林鐘折來遠驛還裁字停到孤雲欲倚筇我輩  
清遊多感慨別題短句向長松



魏光國

光國字合虛東鄉人萬歷三十八年進士授行人  
應詔言事語侵當軸當晉銓司忌者格之乞養歸  
著有文竿兼古堂集

春日招王孔丞艾千子登雄嵐峯眺飲

中天一壁掛名巒躋險懸危興未闌別澗潺湲飛匹練分  
崖拱揖擁千官雲埋古樹迷年代風送殘香繞石壇羽客  
祇今何處在相逢酣飲更加餐

泊天津望海

孤舟傍海樓一望轉心迷地勢隨潮盡天形入水低  
添霧重雉堞接雲齊靡及懷何極空牀聽曉鷄

登雄嵐峰

曾聞絕頂駐真仙  
捫石攀蘿屢困眠  
已怪層峰爭蔽日  
翻驚遠水欲浮天  
春花似錦何須織  
好鳥如琴不用絃  
共爾盤桓誇勝跡  
祇應此處學長年

胡舜允

舜允字明祚號元毓餘千人精春秋之學萬歷三十八年進士令桐鄉時稱冰心鐵耳士民鑄銅象以祀考治行第一累擢至禮部郎中方震孺楊璉交章薦之內臣憚其剛直出爲福建提學卒于道有崇雅堂集

入覲思親作

燕雲翹首意遲遲風木蕭條入夢思  
旅館雲飛浮宦況江天樹渺隔歸期  
芙蓉霜後顏都瘁松柏風前恨可知  
目斷九原成涕泣此生負米更何時

萬燦

燦字闇夫號元白新建人萬歷三十八年進士除  
刑部主事調工部歷屯田郎中監慶陵工時內府  
廢銅山具疏請助鑄以益陵費魏璫大怒遂抗疏  
首論璫罪惡矯旨廷杖流血死贈太常少卿追諡  
忠貞

登黃鶴樓

我欲乘黃鶴飄然物外遊  
檻前懷古淚且爲彌衡收

鄭之文

之文字應尼南城人萬歷三十八年進士未第時  
遊金陵與吳非熊輩作白練裙雜劇以詩歌聞於  
時歷官南部郎遷真定知府免歸有詩入白門新  
社并有遠山堂錦硯齋集

金陵元夕篇

朱樓隱軫薄層霄淥水縈堤蕩畫橋十里香風吹紫陌一  
年明月始今宵今宵無處無簫鼓佳麗名都較堪數美酒  
留連拚十千少年歡笑唯三五三五年時二八游箇儂無  
賴逐風流香輪寶勒紛填巷翠燭紅燈擁上樓樓前九陌  
連三市中有侯家通戚里千蝶春星舞袖翻九枝夜閣歌

鐘起歌舞唯應此夕陳魚龍百戲競爭新銀花絳樹開千  
丈佛火神燈照百輪花燈在處如人好半醉筵前看鮑老  
何客燈前到肯遲何人花下歸能早花下燈前出畫裙衣  
香一露暗氤氲不知南陌人如月且道東門女似雲雲移  
月墮歡難歇虱水丁冬霜漸咽郎心尙逐紫騮嘶妾意先  
憎烏相舌歸去燒燈總不眠含情脉脉定相牽餘宵冷焰  
留紅燭明日芳塵拾翠鈿

蔡文第

文第字及甫號題章新昌人萬歷四十二年鄉舉  
有詩名著述甚富

星橋夜市

長橋嬉捉月，牡籥靜沉魚。何處蘇家小，遙還汨壁車。

月灣春漲

釣石浮雙峽，垂楊沒小航。斜川尋樂事，把臂擬柴桑。

白澤荷花

花底聞歌發，湘裙一水低。停橈試借問，錯認若耶溪。

古木空烟

步屨白楊外，溪花笑欲然。高人眠古木，寒鳥啄空烟。

桂嶺秋風

曾羨淮南客，小山安在哉。只應飄桂子，誤得喚天台。

鹽洲暮雪

勿訝溪顏老，寒汀閱古今。饒予青眼視，也作白頭吟。

石門長嘯

亭上弄明月嶺頭多白雲窮途無阮籍載酒訪蘇君

翰苑凭高

對景憐鄒湛半公漫自哀歸昌今日集莫喚野鷹來

對琴岡

琴絲欲斷清晝長闌干竹靜然花光美人幽襟若秋水無限瀟波流入湘

一金聲希

聲希原名鐘峽江人萬歷四十三年鄉舉崇正初以特用補官

同陳叔明遊慈雲菴

磴曲驚開紫樹林  
閒來攜屐共君尋  
高峯朝氣浮幢影  
白樹寒濤雜梵音  
野鳥依人投地僻  
高僧避世卧雲深  
漫彈松柄紛譚席  
錯落天花滿碧岑

蕭士瑋

士瑋字伯玉泰和人  
萬歷四十四年進士  
歷官吏部郎中有春浮園集

春日送繆當時被謫南歸

正好留連日  
翻爲惜別人  
憐君愁對酒  
作客怕逢春  
芳草迷歸櫂  
啼鶯傍逐臣  
東風如有意  
莫遣柳條新

陶湖

傍竹宜通境  
因湖早着船  
多栽夾岸樹  
好帶近村烟  
鳥慣



雲中路魚依水底天春浮吾舊樂與爾幸相連

滁陽晚行

禾黍斜陽道秋高匹馬行古原荒霧白野水暮雲平酒逐年偏減情因老更生不知今夜月何似故鄉明

快閣次山谷韻時聞楚警

白頭望遠易傷神世態瀾翻乍雨晴徙倚暮山人獨立凌涼寒水月空明二東杼軸誰能息一路豺狼尙爾橫搔首青天那可問煙霞差喜不孤盟

寓意

誅茅宜楚地無如廬阜美五步一溪雲十步一溪水

月夜西冷橋

霧鬢烟鬟逐夢飄  
風落面酒初消月明故國三千里人  
在西泠第一橋

劉鐸

鐸字我以號洞初安福人幼敏悟工詩善書畫萬  
歷四十四年進士授刑部主事奉使山西歷揚州  
知府以題詩刺魏瑞爲所陷死西市臨刑高歌如  
平時璫敗贈太僕少卿有來復齋集

與文桐江謁文丞相祠

與君攜手謁螺岡遺像陰陰闕草堂終古山河留氣節萬  
年衣帶綰文章蒼松烏集晴無語怪石雲霾夜有光自是  
君家弓冶事勲名期不愧廷揚

清泉庵

鬼方通佛日黑地化黃金振錫初開勝居巢不住心偶來  
花下雨坐起定中音欲識西來意月光生竹林

馬當大風

倒峽群龍門騰空萬馬嘶江神太無賴索我篋中詩

錢應華

應華字堅白清江人萬歷四十四年進士少尚氣  
能挽滿石弓已而折節遂遂於學知上虞縣平反  
疑獄調餘姚擒海寇數十人擢工部主事以魏瑞  
方用事乞養歸甲申聞國變不食卒

朝天宮

丹臺倚城曲玉篆降雲中闕地經年久朝天有路通青鸞  
低繞屋白鶴遠凌空吾已謝塵服黃冠學御風

朱多煠

多煠字知白寧惠王子家南昌萬歷中與豫章詩  
人結社龍光寺緝其詩曰龍光社草

秋日社集

麗步出郭門涼沙朗朝日迤邐入叢林花宮眩丹漆巍巍  
豫章臺萬木四排比

音必從白香山讀

高讌集友于討論及刊述

清風吹素襟古調和瑤瑟會心豈在遠快意亦多術遙睇  
天際帆翩翩若風乙

朱謀圭

謀圭字禹錫石城王孫有詩入龍光社草

秋日龍沙社集

結駟城外遊眷此郊原靜崎嶇陟龍沙悠然見西嶺風日  
暢幽懷烟光澹雲影松門初地開清磬出禪境黃菊籬下  
繁紅芙木末冷心目既雙清和歌荅佳景擾擾塵壒中真  
樂誰其領

朱謀垞

謀垞字藩甫寧藩石城王孫有詩入龍光社草

九日誠甫宗侯招登明遠樓讌集分韻得無字

有約登高興不殊天涯朋好接歡娛寒生南浦楓初落秋  
入東籬菊尚無詩派西江存大雅賓筵左顧敕中厨風前

賸有叅軍帽醉後終須倩客扶

朱謀埒

謀埒字明父一字鬱儀寧獻王七世孫家南昌封  
鎮國中尉萬歷辛卯攝石城王府事公族無不屈  
服質穎異著書百二十種時比之劉向卒後豫章  
人士私謚貞靜先生有枳園近稿

楊計部曙宇載商甕漢壺千里相餉短篇志謝

古陶出古邱閎深容斗許駁犖繡土花不知幾寒暑使君  
河北來載以入東楚欣然脫相贈何異獲鐘呂謂予古人  
風因之代縞紵豈無珠玉珍雅志非其所摩挲三歎息高  
誼誰當侶寘彼圖史間春秋惟爾汝

送黃貞父入覲

脂車秣良駟冠蓋如雲浮  
駕言趨上京述職遵諸侯  
王事既有程肅肅塗路修  
及茲正元初奉璋覲宸旒  
君抱廊廟資高視徧九州  
出兼卓魯聲入與夔龍游  
翔螭作時雨膏澤布陵邱  
壇石百里城豈作長淹畱  
揆予慕高義夢想託綢繆  
賦詩申素衷踽踖翰墨儔  
清風播蘭茝令德樹千秋  
願崇華岱尊黃髮長優游

送姚龍文還永嘉

百卉懷芬芳當春欣所觀  
時風和且柔好鳥鳴其間  
萬彙何熙熙我思獨盤桓  
良友當遠別惜此會而難  
握手臨郊衢一往莫可攀  
願得少須臾言笑暫爲歡  
母金玉爾音慰

我遲暮顏

燕至

芳草無數綠雜花相問紅誰將雙燕至一一舞春風

贈康侯弟

羨君三十早登壇電戟霜戈走筆端秀句驚人時憂玉清  
言對客總如蘭題迴酒頌非綠醉賦就郊居肯借看幾度  
西堂春艸夢殊令康樂作兄難

訪康侯弟郊園

郊居絕似沈休文戢羽藏鱗遠世氛堂下紫蘭新過雨檐  
前綠樹半侵雲酌來茗飲多清韻譚到圖書得異聞不爲  
愛閒能到此祇緣累月惜離羣

江西詩徵

卷六十二 明二十四

士



題黃貞父玉版居

爲訪蓮花漏因成玉版居攢峰開步障古木架精廬將客  
青霞上論文素月餘一端蕭散意猶作換鵝書

朱謀璣

謀璣寧獻王七世孫家南昌

入山

特地烽烟起入山深未深雨辭愁裏下泉許夢中聽乍空  
骨肉聚密言庭戶隔一家離亂外安穩小東屏

聽泉

強聞尋怪瀑戎馬此間分衝下一巖雪吹殘半壁雲聲清  
塵不入冷薄酒能睡臥石洗苔句因之雲磬聞

將瀑聲寄巨源

亂瀑聲聲酒一瓶蕭蕭寂寂空冥冥高寒不斷催題筆吟  
入詩中與細聽

盛宗齡

宗齡字長庚武寧人博極羣書爲文數千言立就  
與同里潘元齡林維翰余長祚號四傑萬歷中以  
副榜官麗水訓導署松陽縣有政聲以忤璫格部  
議論薦不果終撫州教授

和獅崖韻

獅崖開幻閣驚嶺俯危岑護法龍蹲踞談經鳥解音點頭  
常聚不散地自多金識得諸天妙携筇還獨尋

過磨盤嶺宿寺題

辛苦度危嶺，巖岈石磴斜。路疑天上近，雲入望中賒。  
禪性空庭葉，民情滿縣花。風塵慚越俎，駐足問桑麻。

黃戴元

戴元信豐人，注子與兄承基並以詩文名。入南太  
學，從湯義仍、曹能始遊，尤與鍾譚多所揚榷，有醉

石藁

初到香山寺

病餘筋力倦，不敢厭高深。山寺初投足，巖泉久洗心。  
殘煙雜夜氣，破月下寒林。宴坐松扉掩，殊無夕磬音。

宿香山寺

雲山畱我宿枯澹亦逍遙  
燭細燈明滅寒深月寂寥  
遊無嫌屢日話不禁通宵  
何計常來此隨緣乞一瓢

月夜宿鳳凰山

秋來高寺宿月滿正清澄  
祇樹深搖霧旃檀路繞燈  
一山携好友百慮息孤僧  
不覺懸崖上幽光落古藤

黃穎恩

穎恩字問叔金谿人幼好學  
論詩主袁中郎又從湯義仍  
遊梅長公李孟白瞿恭川皆  
折輩行引爲上客卒無所遇  
不得志而卒

躍馬泉

尋幽梯森壁下有雙虹垂  
憑高傷遠心俯瞰坐崦嵫爲是

香國來爲是罡風吹對面一相失浩劫何由持相願無忘  
語子爲我鍾期誓當解世網與子叅辟支羣山聽我盟盟  
寒山則移

孫應崧

應崧大庾人應嶽弟萬歷間貢士知和川縣陞同  
知

燕子巖

燕泥封未穩漏出洞中天石聳千章木雲開五色蓮丹成  
砂顆熟甘透玉泉鮮莫謾疑眞幻非凡卽是仙

丁嘉臣

嘉臣彭澤人萬歷中官餘姚縣丞陞通州判官有

集

小孤山

一峰不著地獨向大江浮  
烟翠參空相孤高截衆流  
崖迴千匹練閣度幾帆秋  
極北風波渺憑虛起暮愁

李文憲

文憲峽江人萬歷中以薦辟任僉事

初登玉筍

山下深居春復秋  
洞天今日得清遊  
層巒露笋千雲漢  
怪石依松逼斗牛  
欲向空巖邀鶴鶴  
且看古樹挂獼猴  
披衣直上最高處  
俯視人烟空際浮

胡堅

堅號南汀新淦人幼孤奉二母以孝聞萬歷中由貢監授濟寧衛經歷

招仙觀

官後隱茅椽深幽問紫元鶴空丹井月蛟漲碧潭天溪谷  
千山雨園林一塢煙自尋高士侶何處更招仙

江爾海

爾海字宏受永豐人萬歷中由歲貢生選授鴻臚寺贊謁尋乞養歸以書史詩酒自娛有名園詩集

憇石城洞雲樓

徙倚西樓興不孤停盃休問酒家胡懸崖日落郊原曠盛  
暑寒生氣候殊翠滴秋岩飛客盞香隨石溜入僧厨閒翻

貝葉諸緣靜悔把浮名絆此軀

李嗣晟

嗣晟字子忠別號秋洞永豐人幼善屬文尹洞山  
甚稱之萬歷中歲貢官南昌府教授歸有琴亭集  
落花吟

石廊洞賦遇仙招隱歌二章

今何日兮至日駕言遊兮石廊披蒙茸兮仄徑陟欽崙兮  
層岡風颯颯兮雲飛揚若有人兮來帝鄉膚綽約兮冰雪  
神炯炯兮星芒服霞裾兮佩玕璫駟赤虬兮戒以鸞凰導  
余轡兮紆緇翼余趺兮迴翔紛飄飄兮洞之陽下窮丹壑  
兮上窺瑤房鳥道攀緣兮石棧鶻巢尺咫兮天閭採玉田



兮咀芝英吸沆瀣兮吞瓊漿劉郎有碣兮宓妃有牀仰崑  
崙兮庭戶俯六合兮糝糠微洪厓兮上藥還星星兮蒼蒼  
有老人兮山之阿貌玉立兮髣髴霜餠策鳩筇兮矯矯冠鵷  
毳兮嵯嵯條往來兮洞天邁攀雲松兮捫烟蘿咄簪紱兮  
徽纆託巖穴兮委蛇喟彼瞽人兮罹百疴盍歸來兮共此  
駸駸壑窄客兮道長離途荒忽兮燭羲娥采玉田兮嘉穗  
漱石髓兮靈波鶴翩翩兮在戶鹿呦呦兮成歌追松喬兮  
安往懷惠連兮如何

元陽洞

古臺殘碣委荒蕪浩劫猶傳翔赤鳥地勝天教瑤作島  
虛誰鑿玉爲壺水雲滉漾龍吟冷松月朦朧鶴影孤瑤

琪花紛可折頓疑身世在元都

遊石廊洞次劉聘君韻

千尺穹崖半是苔猿猱欲度尚遲迴誰將六六洞天竅幻  
作層層玉女臺入夜星河簷際宿有人環珮鳥邊來石牀  
喚醒遊仙夢沆瀣頻分三雅杯

杖藜踏破萬峰苔石室蒐奇日幾迴自是天工鑿壺嶠誤  
疑海氣結樓臺我從方外尋真到鶴自雲間報客來一掬  
石泉寒似雪何須更飲紫霞杯

再遊樓閣寺

曾約精廬再閉關此來雲壑頓開顏談禪未脫塵中語放  
屐疑登夢裏山滿徑菊松堪寄傲入林猿鶴許分閒當年

惠遠人如在三笑風流定可攀

范世芸

世芸字陽華高安人萬歷中與同里陳邦瞻教文  
祇以問學相友晚貢於鄉授始興訓導尋解歸

瑞芝仙跡

誰種五雲鮮花封白昔傳至今香室在會有采芝仙

王佐

佐清江人萬歷中貢生官訓導

按建昌府志有王佐正統中爲連城

令載汀州名宦志別是一人

城樓落成

危樓落就冠湖西盡棟飛毫拂彩霓四面山河環檻壯

天星斗歷簷低壟黃自古佳名並元寶於今雅會齊江漢  
風流如昨日多慙授簡賦新題

張時爲

時爲字景明餘干人少慕胡居仁之爲人不屑舉  
子業萬歷間貢於鄉絕意仕進專以存心養性爲  
學著進修日錄以自考覈又隨記所得曰六一寤  
言

雲風堂

昔人志憂國作騷洒心血考亭憂亦同酒酣歌一闋歌罷  
天地愁不知山日缺雲爲此不流風爲此長咽  
龍嘉柱

嘉桂泰和人萬歷中以子起宏贈禮部郎中

白鷺病阻

重到知何日秋江浪不平風吹煙雨散人比鷺鷥輕逸興  
無今昔閒愁有死生衰殘寧不達獨坐晚來情

陳繼第

繼第字受大新昌人萬歷中諸生屢試不售喜爲  
詩古文詞著有魚脫草

存梅祠

縣尉朝郎只等閒千秋祀典列仙班可知天上東王籍不  
遣真名落世間

石洞

珣字叔寅瀘溪人萬歷中諸生性簡淡好藏書兵燹之後爲一邑文獻屢薦不起

度葛嶺

穿峽稠源路躋攀上葛巔兩崖青玉削一徑碧蘿纏風叱王陽馭雲迷魯子鳶朝來採樵者疑是洞中仙

張省

省字悟充寧州人萬歷間處士性樸雅搆松塘別墅讀書其中

和韻宿南山觀

先生暫向琳宮宿劍嘯牀頭鬼神哭忽聞下界雞犬聲春夢驚回四山綠

羅漢菴

天花如雨落禪關  
杖履從容任往還  
石徑綠侵松下路  
僧房青繞竹邊山  
雲深洞口龍眠穩  
月轉林梢鶴夢閑  
不與維摩分丈室  
只緣心事繫人間

胡翼正

翼正字其輔新昌人萬歷間布衣性疎脫不羈有

文集

集橋西寺

江亭載酒來佳客  
晚日秋林風瑟瑟  
斜看石竹浮水光  
亂點蒼苔破山額  
寶樹祇房日日生  
蘭膏鳳吹年年隔  
可應還有道林賢  
活火輕烟浮鼎色

王彥臣

彥臣號月川泰和人萬歷中以善詩聞有月川小藁

除夕有感

山村門掩短籬斜爆竹聲中散暮鴉  
椒酒漫尋兒輩樂桃符都厭野人家  
謝塘冰解層層玉庾嶺梅開樹樹花  
屈指一番春又到閒將蠟淚記年華

張儲

儲字明用新建人萬歷中諸生

聞鴈

孤鴈來何處殘聲靜夜飄江空音淦淦雲重影蕭蕭慣向



風前急偏從聽處遙秦川織錦婦掩淚憶征遼

郭昭

昭字伏生南昌人少有家難薙髮爲僧事解仍冠  
巾遊吳越閩楚間萬歷末閩人謝雒輯其詩入白  
門新社有集

木末亭

亭子山之上登之復隱山每過深樹下常見一僧還醉怯  
春風麗游同夜月閒可憐荒塚竹碧血總成斑

白秣陵泛舟抵廬江

水宿屢遷次寒深霜染衾孤征愁早起半醉喜微吟舟子  
每相謔漁人時見尋悠悠客途裏倚櫂看秋陰

高文祺

文祺字壽永廣信人

自君之出矣

自君之出矣不種相思樹思君如春草多在無人處

金光弼

光弼字右辰永新人萬歷間諸生有金竺山房集

秋日費太僕招遊鵝湖

平湖曲曲快登臨況復秋風動客心畫閣浮光盤鳥上蒼  
山撲翠落波深清霜未爛茨菇葉暖日猶垂栢柏陰賴有  
窮交公等在龜峰千載此幽尋

登雲章閣

揭孽高甍插紫虛此方千載盛簪裾江東不識文章樹彩  
女能留寶軸書百雉風烟青漢外一尊花塢夕陽餘夜深  
應共星河宿借得天孫錦作裾

咫尺飛霞檻外分天低鷺水共氤氲層臺隱映金銀闕畫  
壁鮮明錦繡文夾岸柳陰連夕浪空江帆影上春雲白銅  
鞮後風流盡寥落千年一使君

哭副憲蕭椿

宦達如君少誰知短旄還傷心龍井水埋骨虎林山末路  
天難問修文死不閒孤兒識棗栗拈去淚斑斑

賀中男

中男字可上永新人與金右辰善爲陳大士所稱

過副使蕭椿墓

拜子墳前樹亦悲  
高軒過我更何時  
垂楊池上秋來瘦  
記得當年贈別離

鄭夢眉

夢眉字警瞻金谿人  
天啟元年鄉舉特授四川南  
部令殫心撫字聞京師陷北向再拜自縊母妻子  
女相繼死闔門無存者部民聚哭爲立祠焉

書壁詩

逆徒播虐稱周武  
我志何難效首陽  
縱使旅魂歸路斷  
此中猶有漢桐鄉

蔡萊

萊字望彭南昌人天啟元年鄉舉任上饒教諭以  
聞撫薦擢福州同知旋護兵備道鎮撫得宜海賊  
無犯境者閩人德之尋引疾歸有東井居詩草

竹徑

小院纔容十步寬堦前盡種碧琅玕疎梢滴露三更靜  
縹緲無風六月寒空谷人聲原閤寂黃昏鳥夢亦團圓此君  
聽說能醫俗好向閒庭結古歡

朱健

健字子強進賢人天啟元年鄉舉博聞強記與弟  
徽齊名稱鍾陵二朱授邵武推官靖九都賊爲太  
守吳文禕所中冤死著有蒼崖子古今治平略

寫韻軒

秋色攜雲到灌城一時吟和漫呼名愁思暗渡銀河水錦  
字閒消玉白盟繡帳春回風四面彩鸞簫並月雙清翻因  
悞洩天機後千古常留寫韻情

鄒

第一作  
由第

第字子京寧州人天啟元年鄉舉

清水巖

九曲神河天上來源頭不許世間猜清哥孺子滄浪取好  
覓蓮花向佛臺

魯論

論字孔壁號西麓新城人天啟元年選貢授潁州

江右言集 卷之十二  
同知時鄰寇出沒力修戰禦之備卒無所犯遷海  
防同知棄官歸隱居著書卒有四書通義周易卦  
義聞見餘及詩古文集

杉關

重關百二表東華接壤江閩邑萬家瀑布寒飛丹塹雨旌  
旗夜落赤城霞狼烟不度烽常靖虎節方馳路正賒攜得  
一鞭山色好征人容易夕陽斜

王時英

時英字孔丞號玉巒東鄉人天啟元年貢生與湯  
若士帥謙齋相友善歷知祁縣調廣寧有惠政所  
在立祠致仕後與艾千子參究理學著有繡虎軒

夢松堂國門諸集

題劉明府天祿閣

新開節鉞桂林西蔽芾甘棠召父齊明月九臯聞白鶴春  
風斗酒聽黃鸝瑶林香折一枝桂天祿光分三尺藜曾向  
龍門欣得御不言桃李已成蹊

傳冠

冠字元父進賢人炯孫天啟二年進士廷試第二  
授編修累官至文淵閣大學士唐藩時督師江西  
爲門人汪亨龍所執死於汀州有寶綸樓集

早朝

西山爽氣接蓬萊紫殿光搖曙色開五鳳忽銜丹詔下六



江表言後 卷之二十二  
龍時駕袞衣來班聯禁地三台近樂奏鈞天萬舞迴聖主  
殷憂方借箸趨陪愧乏賈生才

劉先春

先春字伯陽號鷗岑金谿人天啟二年進士授庶  
常改刑科給事中劾魏璫又進亟舉名臣疏削奪  
歸崇正初起太常寺少卿復上六條十五議尋乞  
終養

石門寺

臨高謝屐思悠然欲向三清問太元一枕蝶翻花底月數  
聲雞破竹林煙閑身不碍僧爲伴野夢無侵我自仙時得  
紫芝歸玉闕九天鸞鶴共迴旋

道練松月故居

山色蒼蒼草自青百年誰復歎飄零  
牆頭一樹梅花月照見先生舊野亭

鍾 炘

炘字叔憲號昭明分宜人天啓二年進士授中書  
歷禮科給事中累至左都御史以會審逆璫事件  
旨歸卒

遊半山

每望山餘半山行得稱情馬歸宜  
款段人坐且班荆空谷花叢笑  
幽林鳥獨迎層巒看不盡  
淡淡岫雲生

萬元吉

元吉字吉人南昌人天啓五年進士授湖州推官  
崇禎初以大計被謫用曾櫻薦起檢校歷南京職  
方郎中尋擢太僕卿監軍務後以兵部侍郎總督  
江西湖廣諸軍守吉安顛城破赴水死

游月巖謁周元公廟

中歲不聞道汎汎逐萍梗緬懷先哲型沉憂不出賴茲來  
瞰巖月鬼斧鑿天影尺寶洩素雲一星射瑤井物理竟何  
如退蹤忽深省元公昔幽憩萬慮悉以屏陰陽動靜初澄  
觀得妙領於焉瞻遺廟百世尙嚴整冥心無極前衣露滴  
清冷

送無我上人還廬山

萬里秋聲急清楓古渡平潯陽潮自落楚岸月孤明破衲  
饑寒去芒鞋雨雪行爐峰遙在望慧遠定相迎

張叔鏜

叔鏜字振卿號見剛清江人堯文子天啓五年進  
士官秀水縣時號神君魏璫欲見之堅不往降寧  
國教授璫敗陞國子助教卒著有敬亭稿

章山

章山山頂醉芙蓉牛斗光華映幾重匣裏無人能逼視九  
霄風雨吼青龍

天寧寺藏經乃唐時頒賜者其副藏亦永樂年勅賜  
一日俱燬殊爲悵然

雨餘閑步問緇衣  
廢鉢殘經掩敗扉  
不信禪天遂銷滅  
松聲鳥梵尙依依

范園中

園中字宏夫號虎溪廬陵人天啓七年鄉舉歷官  
肇慶知府致仕有師善堂稿偶然吟敝帚錄

崇恩寺

一雨霽朝陰晴光起天末空林隱餘霞殘陽漸開豁  
郭外通祇園石路綠苔滑恭禮大法王身心如見奪  
一言提正覺聰明盡遺脫歸途得新句精神遂超越  
爽氣散煙嵐樹杪鐘聲發

楊惟休

惟休宇叔度豐城人天啓中以貢授保定通判管  
宣府赤城事著泰昌日錄魏璫大怒追燬之褫衣  
巾暴卒於宣府著述甚富遭兵燬多不傳

鄱陽湖

片席攬澄湖青天望眼孤中流失南溟大地圯東吳水戰  
龍飛去山空鶴返無浩歌舡自扣春色滿平蕪

羅日崇

日崇字元月號未齋新昌人天啓中以副貢入太  
學授州同知值世亂不仕

歲歉作

餓鵲翔雲路哀鴻呷水鄉劫灰銷野燼盤氣感愆暘玉禱

清淵底羊祈大道旁  
殷雷收怒響其雨怨朝陽  
赤地嗟千里青苗斃此方  
夏畦方耐病秋穫遂全荒  
納粟悲懸磬來甿望上蒼  
三農半潦倒十戶九郎當  
道在窮彌固嗟來義弗嘗  
何妨併日食欣與古人行

徐先登

先登字文岸龍南人天啓間貢於鄉

水謁山

雨歇涼生暑氣殘  
薰風一曲好凭闌  
銀河天半驚飛雪  
坐對西峰六月寒

登歸美山

晴嶺萬疊簇芙蓉  
身入青霄第一峰  
古路寒雲支斷棧  
懸

厓夜雪倒枯松金堂僂鼠憑危峽神闕羚羊走石墉我欲  
結茅山頂住翠微高處好扶筇

李國棟

國棟永寧人天啓間貢於鄉

九日登銀岡山

九日風高落葉黃一尊攜屐上銀岡巖陰鶴住松枝老泉  
穴龍歸雨氣長杳靄山城紅樹暝蕭條汀渚白蘋涼茱萸  
賸有龍山興乘醉豪吟只自狂

李士開

士開吉水人邦華子天啓中諸生以救弟赴水死  
崇正初邦華疏列其孝友奉旨旌表



石蓮洞聞梵

午夜月明鐘磬稀  
風前仙梵遠微微  
韻流幽壑潛蛟舞  
響入長松睡鶴飛  
老衲談空頻拂麈  
仙郎得意寂忘機  
了然動靜寧超悟  
且向聲聞一路歸

王秉揚

秉揚字叔彝南城人  
懋中子天啓末諸生

姑山觀瀑

名山端合屬吾曹  
雨過飛流勢競高  
時帶輕煙尋洞壑  
直驅爽籟薄林皋  
當歌柳颺黃金縷  
對酒花飛白玉毫  
探勝幸能隨叔度  
卽看千頃瀉波濤

俞應鑑

應益字叔虞新建人

滕王閣

飛閣千年勝跡留層巒遠水檻中收  
萋萋岸綠王孫草湛湛江平帝子洲  
煙樹尙含羅綺怨風濤不散管絃愁  
飄零莫縱登高目門掩斜陽獨下樓

周時

時字毓鼎蓮花廳人

石廊洞

知是何年石洞開巉巖高出碧雲隈  
此間有鳥能呼客不是秦人莫浪猜

王誠忠

江西詩徵

卷六十二

明二十四

无

誠忠字心怡安福人

遊高天觀

何年結屋倚參差絕頂留仙種玉芝陰洞高寒龍睡穩  
暝煙搖曳鶴歸遲丹房過雨添瀟灑畫壁流螢照陸離  
便欲休糧同習隱不勝風露砭人肌

劉鼎元

鼎元廬陵人

東坡井

履聲因寄跡畚插遂窮源井甃傳千古鄉人重一言  
鵝泥隨處有鮑羹至今存水味殊甘爽茶經可試論

黃端伯

端伯字元公新城人崇正元年進士除寧波羅官  
改杭州歷禮部郎中南京破被執死之有瑤光閣  
集

從軍

萬里長城北蕭條白草荒風沙吹不去秋色正茫茫日冷  
行空壘天低壓戰場別來一回首何處是家鄉  
遶落蕭關外陰風萬馬肥至今勞北顧何敢念東歸列戍  
傳金柝寒沙臥鐵衣戰場春不到白雪作花飛

山陰道中

夙昔流觴地回溪曲曲盤遙憐沙月迴漸覺海天寬春色  
橫煙暝春陰閣雨寒自耽泉石趣無夢到長安

建德道中

青天霜氣迴匹馬立平沙遠道風千里寒城月萬家亂山  
盤徑險深樹引隄斜夙昔悲秋意偏於作客賒

登感應峰

高巖瞰大壑石磴何崎嶇上凌千仞崖下瞰百里墟危亭  
挂絕壁雲氣常有餘行與虎豹遊止與蛇虺居荒苔垂石  
髮積草懸龍鬚寒泉冽冰雪晝夜流香厨冉冉列仙子往  
來風雨俱還窺古洞內尙有真人書

夜泊龍湖登仙居閣

閣夜鳴風迅江天渡月寒石林秋獨到沙路暝相逐剡樹  
斜懸壁驚濤急下灘長懷仙境勝便欲棄儒官

吳甘來

甘來字和受一字節之新昌人崇正元年進士歷授刑科給事中伉直屢言事憂歸起吏科歷兵科尋乞假再起戶科都給事中上練兵足餉十事京城陷作絕命詞投繯死贈太常卿諡莊介

經彭澤

亦有東籬菊何人尙隱居夕陽催進艇殘夜擬焚魚世遠風長在名高謗未除懷歸無長物猶有半牀書

絕命詩

到底誰貽四海憂疾雷悄悄罷城頭君臣義命乾坤曉狐鼠干戈風雨秋極目河山雙淚灑傷心仁義一身周洵知

世局難爭計願取忠肝萬古留

黎元寬

元寬字左嚴南昌人崇正元年進士官浙江提學副使晚年構草廬於谷鹿洲屢薦不起有進賢堂詩文集

杏花樓

杏花樓下泛香波樓上看花淨綺羅樹拂鞭絲妨馬路村沽斗酒聽鸛歌千年蘇圃風流在兩相平泉木石多王謝烏衣能復起歸來舊燕欲如何

九奇峰寄釋匡雲

飄風應不到匡廬臥起匡公走訊予爲問九峰峰頂上可

容倦客一騎驢

送僧歸廬山

匡山秀色落重湖一葉僧歸入畫圖他日就師尋舊社白蓮重放數枝無

吳載鰲

載鰲字大車宜黃人晉江籍崇正元年進士除澄海知縣謫浙江按察司照磨升金華推官入爲戶部主事歷翰林侍講

姜給諫以五羊石見貽賦謝

文饒平泉莊有石自言好好何如初平羊眠雲嚙瑤草

熊士達



江西詩徵

卷六十二

明二十四

三

士達字彝庚號持園新昌人崇正元年進士官四  
川南道副使

歸隱見志并寄仲弟選

冉冉征途惜景光年時懷抱到今償一官已去真堪隱三  
徑歸來尙未荒硯壘填胸原灑落烟雲過眼已蒼茫弟兄  
燈火兒時共春草何須夢謝塘

趙爾圻

爾圻字千里廬陵人十三補諸生與弟垓俱有文  
名崇正元年恩貢李邦華勅王辟爲參謀偕赴京  
入對大廷拔第一除台州推官籌議東宮監國陪  
京不果行城陷悲憤卒

龍安院泉

秋光迢遞奪春林  
獨有青山草色深  
山下寒泉清冷絕  
渟渟堪照白雲心

羅應秋

應秋字君實新昌人崇正元年拔貢授遵義通判  
以守禦功擢川東道副使未赴而卒士民繪像祀  
之

之黔督餉

取道苗烟裏羊腸一線通  
冰堅車下澤日落馬嘶風轉餉  
勞邊吏持籌重上公  
荏苒何日靖蹙頞望蠶叢

謁子陵祠

江閣冥鴻遠超超脫世榮不臣天子召尙友聖人清片石  
千秋重浮雲一葉輕客星雖在野名壓漢公卿

史乘古

乘古字爾力鄱陽人桂芳孫年十二通六經崇正  
二年貢於鄉授直隸寧津令寇攻城率士民死守  
賊引去以功擢永平治中未任歸有獲堂稿僑翁

草諸集

遊郭璞峯酬徐叔賢

昔賢煉丹處飛瀑橫高峯懸壁有題字半爲藤蘿封此泉  
名玉泉此潭名烏龍潭深不可測龍吟無夏冬爽籟發幽  
洞奇光騰長松白石粲可煮芳蘭供佩容人影併馬跡仿

佛留仙蹤茆屋隱山頂中路聞微鐘山下徐孺子斗酒招  
相從孺子具逸興贈我青竹筇爲言此山好秋色重復重  
寒柚與小菊丹黃如春穠我因看山遍漸覺筋力慵主人  
酷愛客屣迎追蔡邕懽然入門去昆季何雍雍清話滌塵  
襟高歌舒煩胃富貴有時遇知音難再逢

### 夜泊獅子峯下

十里巖林暗層峯一水前危樓銜缺月小艇繫長烟虎吼  
泉飛出虬盤石倒懸半窻孤客夢漁笛未明天

### 九江王故宮

翠檻珠簾一望空誰論當日有奇功夕陽城郭啼鳥裏衰  
草樓臺落雁中翻盡舞衣悲夜月弄殘歌管怨秋風祇今

漢帝恩何在怪有林風帶露紅

山行

仙跡何年別燒丹鼎尙存松風吹不斷落日半關門

江西詩徵卷六十三

南城曾煥賓谷編輯

明

舒忠讜

忠讜字魯直進賢人芬孫崇正三年鄉舉

寫韻軒

蓬萊仙子有丹訣偷得元霜廣寒窟蠶眠碧宇密香傳上  
元夫人夜深說吳家女愛六銖衣冰梭自織天孫機瓊思  
瑤想秘不得猶向人家賣字歸纖腰素腕羞調黛年少席  
姑門狡獪騎虎雲飄五暈裙月姊星妃傳十賚蔣侯三妹  
夢清溪未有新詞爲綠綈區區三尺紅氍毹笑與韋郎重

品題

劉綬墓

石馬陰嘶霜葉飛  
靈風陣陣捲斜暉  
傷心馬革無歸日  
萬里招魂葬蟒衣

泊湖口欲上石鐘山未果

湖心纔月上燈外是人家  
水國魚開戶山城樹滿衙  
魚龍真有氣雞犬亦成霞  
此夜初聽鵲探奇興未賒

湖中望五老峰

廬山高不極翠壁總鄰天  
洞自仙騎鹿峰曾禹泊船雲吞  
三楚路樹合九江烟躡屨何時到松門借一椽

振目期來此扶筇上翠屏  
霧歸僧徑黑烟破鶴峰青  
落瀑

江秋漲移雲暗晚汀匡君有兄弟吾欲問山靈

鴻門宴

示玦旣太拙舞劒亦可怪何如將玉斗多酌勸樊噲

滁州遇避寇人過江

半夜頻呼起寒風送我行英雄消馬跡天地感雞聲壘破  
纔添戍村空又避兵始知班定遠不肯作書生

韓范

范字一范臨川人崇正三年鄉舉高節不仕隱英

巨山麓

咏石榴竹

石榴凌野澗竹影亂飛滿一桁初鳴翠千竿待集鸞拂礎



消溽暑漱玉灑餘寒無限瀟湘意猶遲夜雨看

梁維新

維新號鍾石高安人崇正三年鄉舉後遂志令不就隱居銅湖

易簣前一日作

底事牽愁到鬢邊女媧難補杞人天高山不是終南徑生死關頭已了然

林維翰

維翰字康侯武寧人崇正三年以副貢入事雖尋歸里中講學徵修刻朝貢錄辭不就者稱康侯先生

修江雪舫

遊子多歸思孤舟與雪行  
帆颺千里浪江曲九迴情  
斷岸寒猿泣疎林凍鵲驚  
棹歌先入夜知是故鄉聲  
釣雪修江上吾心不在魚  
水雲時淡淡蘆鴈故徐徐  
百感流波遠千山世事虛  
故人如有意載酒到吾廬

劉全曜

全曜字曙陽新昌人崇正三年貢於鄉歷官浮梁  
教諭陞全椒知縣有文況日抄戎機三捷

存梅祠

漢代逃名兒子真先幾不減避秦人  
可憐紫色蛙聲裏猶有揚雄作美新

何三省

三省字曰唯號印茲廣昌人崇正四年進士歷官  
禮部主事時厰衛橫肆涉部事者一以法繩之晉  
郎中督學粵東以疾歸明亡欲舉義聞闕賊誅乃  
罷隱居卒有樽餘集選夢齋詩集

贈梅川謝逸庵

我欲訪勾漏元圃之靈蹤神山雲氣青濛濛我欲尋瓜廬  
退谷之遺址柳色臨溪碧如洗梅川謝翁來叩門好風吹  
得蘭言溫骨青髓綠有仙意等閒似把浮邱袂古來濟世  
長房壺爲相爲醫語不誣一經扁鵲無人讀別寫蘇山作  
畫圖

陳泰來

泰來字元復號剛長新昌人崇正四年進士倜儻有智略歷官兵科給事中癸未歸里募兵壯平萬載竭賊亡西禦闖逆於銅鼓營邑人德之爲建生祠

遊黃檗山

不識攀躋路千峰與萬峰禪心黃蘗在幻相白雲封霧隱迷全豹山靈澤亢龍莫辭登絕巘著處有孤筇

梁佳植

佳植宜春人崇正四年進士官餘姚令歷廣西提學副使

登雄州江樓

參嶂秋雲欲壓城  
寒鷗對面看潮生  
江頭水月空人性  
世外烟霞悅我情  
東海漸傳兵甲靜  
南風聊借羽毛輕  
登樓莫起飄零感  
萬戶頻添搗練聲

劉應迪

應迪字簡在金谿人崇正四年進士官閩中知縣

曉起

曉色漸熒微  
柝聲聽漸稀  
月潛銷客袂  
燈已失林扉  
竹外風翻冷  
花間露欲晞  
巢鳥棲未穩  
先上女牆飛

胡世英

世英字貞木號了山新昌人大成子崇正四年貢

於鄉有轍音集藝芸館藁

化禽歌

戊寅歲五月五日鹽步大水田廬盡沒或見水中  
如蛟螭者甚衆蓋蛇雉所化也詩以誌之

蛇點雉踞深谷枕山衾石吞溟瀆不向朝那作小龍  
願赴歸墟若水族邇來雨部缺偏裨六丁捧檄搜湫  
漲上充太一左右驂下與涇陽謫婦牧遂瀉銀河灌  
田宅萬家盡作魚蝦屋長洲浮髀多於沙海仙大笑  
鼈失足此時生殺主者誰頗訝天公暴且酷呼童爲  
我理衣裯急取青蘇焙

王拱盤

拱盤字維城號衡翊蘊溪人崇正六年鄉舉性孝友鄉里稱長者

出雲峰

一林霽色已初冬遊愛名山策短筇高並匡廬飛瀑布秀如大華削芙蓉崖陰遙睇棲猿處洞古猶傳駕鶴蹤尋勝竄然終不盡尙留餘夢到孤峰

賀登邁

登邁號澹餘郡陽人崇正七年進士由行人轉御史巡按山東指陳利弊不附權要國變解組歸屢薦不出精易學著有易辰

宿戴氏園亭

閒園曾是夢遊來，綠淨池塘絕點埃。  
幾處藥欄堪燕坐，一尊清興爲秋開。  
江聲似欲喧高樹，月色平分破古苔。  
依約戴公山下路，黃鸝不惜聽千回。

李陳玉

陳玉號謙庵，吉水人。崇正七年進士官御史。

遊青獅巷

虛堂清且遠，瘦竹映前楹。  
寒是千峰色，奇生一壑情。  
片雲逢客贈，孤月向誰明。  
所恨春光少，雙柑再聽鶯。

寄青獅巷聽月和尙兼示朱胡二居士

野望交流薄，暮過春愁無處可。  
銷磨山爲佛國雲，常定地接龍宮瀑。  
更多鐘磬遙憐明月夜，樓臺誰唱大風歌。  
嶺頭



閒殺雙居士竹戶聞禪近若何

題贈盤山同雲和尚

四山鬱翠落孤篷隱約蓮花九瓣中  
何用拈提重說法山  
山聲響碎虛空

溪臨絕壑欲添橋送客須知此路遙  
三笑不聞靈運在柴  
桑節義屬林標

陳際泰

際泰字大士臨川人與艾南英章世繩輩以文名  
天下崇正七年年六十八始成進士除行人以護  
故相蔡國用喪南歸卒於道有已吾集太乙山房  
題

文昌懷仁合祠

帝君梓潼人氏也欲究源流無爾雅牽馬笑奴狀似龔抱  
牘老人形甚赭桓桓漢使欒尚書仙術儒術兩工者杜康  
化雨巴郡西張綱埋輪都亭下

漆園

園字非周號劍潭新昌人崇正七年進士官密雲  
知縣遷兵部主事

元宵河間道中有感

衣中夜不成眠客裏清輝最可憐聽說瀛洲非別路誰  
知碧海有愁天北堂春暖開尊酌東閣燈明上管弦佳節  
病逢裘馬處白雲回首重茫然

龔麟標

麟標號隱溪瀘溪人崇正八年由歲貢令興業遷  
鬱林知州政尚寬恤盜賊化之

大覺巖

空中樓閣凌霄起五老七星高莫比怪石如羊叱不前亂  
山如馬奔還止遙看碧海跳雙丸極目青雲隔一尺穿徑  
玲瓏過小巖神工鬼斧渾如此

江九遠

九遠字儀甫萬年人崇正八年鄉貢

苦雨歎

漏天淙淙雨不息自春徂夏方見日白浪翻空四野

雲時障千峰失出門如爲漫遠巡入室燎衣泣濕薪可厭  
商羊頻起舞惟來蝌蚪亦依人天道由來有剝復大滂澍  
須愁旱酷眼前陽石已厭鞭吹律何時起溫谷

彭舉

舉廬陵人崇正九年鄉舉

遊崇恩寺

紺殿肇何年古雅足幽賞奇哉運斤手巍然閱今曩丹碧  
浮霄漢清淨絕塵壤萬籟且勿喧但聽松風響

淨居寺

攬勝棲真處山窮境忽開碧留丹竈火青入硯池苔嶺樹  
宜高下溪流斷去來聲光晝不得臨此但徘徊

張思問

思問字不疑號鍾陽湖口人科孫不慕榮利究心邵子先天之學嘗著理數卦氣圖書聲律等書以闡明其旨崇正九年以孝廉賢能應徵辟隨卒

大孤山

選勝時爲汗漫遊湖光倒影碧天浮長風萬里何人志好挽頽波沂急流

劉同升

同升字孝則一字晉卿吉水人應秋子崇正十年進士廷對第一授修撰劾楊嗣昌奪情謫福建按察使知事移疾歸福藩立召起故官不赴南都失

守唐藩擢加祭酒兼兵部侍郎守贛州死有集

由百花溪登玉笥山

朝看山出雲暮看雲入笥山行若無蹊恰有青童至指點  
絕壁間仙臺藏勝地日午聞鷄鳴巖椒啟金字因過丹竈  
房縱覽紫微志白花雨外明紅果林梢墜晚食供芋魁晨  
鎔煮茶髓坐久慵下山踟躕想真寄塵網詎得辭幽期偶  
然遂

過豐城

細雨風檣作意斜岸移百丈過江沙水邊一樹垂垂白春  
晚棠梨尙著花

夜宿雪山寺

言得 卷之十三  
鄰園已復佳鄰寺益喜僻不知何處鐘  
泠然其晨夕風雨閉柴門離城忘咫尺  
杖策行郊坰峰巒青可惜伊余厭塵氛  
懶性宜泉石況此舊遊地昔年無賸客  
夜坐一燈幽明  
期望三益

遊南岡寺

芳樹籠幽逕高峰入寺青人烟迷野店  
鳥語出危亭破寂留僧話忘機誦佛經  
秋蛩若爲怨砌冷不堪聽

贈愍山

君詩在筵三年字粵海重封萬里書  
南去栽松人是否西來渡葦意何如  
雲修鴈字成遺教珠繫傳衣到草廬  
耆舊蕭條堪下淚誰從高座析鄰虛

句曲山中

地肺通幽處，泉流滴滴聞。山形同一已，仙籍注三君。衣洞恒燒朮，人來欲贈雲。青童煩指點，十賚拓遺文。

天長寺訪元宗不值

數里見人烟，幽尋竟日還。衰林餘古道，寒峽但長天。石竇安豚柵，田塍割虎泉。經年行脚處，不減雪山禪。

玉華山道士石室

清溪蕩靈氣，一徑上疎烟。中有采真人，其人秀且鬚。長嘯激流風，哀商徹鳴泉。鸞鶴發孤響，山水淡塵緣。觀彼紅塵苦，信此草堂元。曠矣幽清意，難爲塵世宣。

新淦陳黃石明府過予，問以土著之兵，云爲餉料疏。



裁去守城責之守令兵安可裁也作五言小律

淦水金湯固軍需安可裁逢迎出下策苟且誤將來守土  
寧無責旁觀莫浪猜豐亨全盛日經濟豈憂財漫謂窮搜  
括翻令基禍胎客兵非廟算土著扞城隈仗馬鳴將斥函  
牛鼎亦賸清時詎有闕言路固宜開日奏封疆警頻聞水  
旱災何緣桑孔計偏向省垣推廉吏紓三策憂邊備五材  
贈言兼遠略清嘯得追陪

遊石蓮洞懷羅文恭先生

小逕尋烟靄懸崖捫薜蘿洞深留月少苔古積陰多寂寂  
年華長悠悠世態過王孫遊未歇簫管發山阿

指點過仙橋言逢野叟招引流通竈還乞火出村遙漠漠

飛朝鷺丁丁響暮樵更疑途盡處鷄犬入雲霄

落葉堆樵徑垂藤隱洞門呼兒敲石鼓與客對芳樽雲破  
疑山豐鳧飛帶水痕幽蘭若可結誰擬賦招魂

### 鄒逢吉

逢吉字五從一字夔石湖口人崇正十年進士知  
武昌縣領閩帥平土寇立營仿戚繼光陣法暇卽  
與諸生講道藝後補臨淄縣擢兵科值闕變拷繫  
寤室中賦絕命詩仰藥卒

### 聽石歌

懸天開古鑄擲地忽爲聲憑陵風力重吐納水神爭文不  
假科斗簾空失所守智鑿五丁開神隨六鰲走湖山倚寶

藏代爲匡君有鯨喉犇九奏蜃魄捍五紐響入鈞天高七  
音豈能偶不聞斤斧聲但得寥泝情碎卷洞庭雪倒洗山  
容清雲頭鞭石虎咆哮吼鼉鼓返聽且收功黃鐘詮律母  
劉大年

大年字赤生號方白廣昌人崇正十年進士操履  
方正與史可法何謙相善官兵部主事籌度邊務  
屢進言尋乞假歸道過濟南值圍急與撫按守城  
傾囊犒士城陷死之事聞贈光祿少卿有北山文  
集

豫讓橋

激水臥危橋湍聲泣殘廟問彼橋下人義憤何孤峭斟酌

施報間猶爲昔者笑誰無國士恩令此成絕調成敗或在  
天大節亦已効哀哉俠烈腸至今迴夕照

集何靖惠司寇南郭雲庄

曲逕經過衆籟聞當年風景野堂分東山原不汚青史南  
郭今還有白雲舊種琅玕存老幹新成樓閣絢秋雲遊人  
登眺渾無緒坐對千峰送夕曛

蕭漢

漢字雲濤南豐人崇正十年進士出黃石齋之門  
因自號象石令鍾祥秩滿將行獻賊薄城誓死禦  
賊有獻城者遂被執羈吉祥寺奪僧刀自刎賊祭  
之歛以錦門人改歛事聞贈大理寺丞

登縣城秋眺寄同鄉一二知己

宦海飄零可奈何中原萬里正干戈  
金牌未次朱仙鎮鐵騎誰如馬伏波  
九月秋風吹落葉三更畫角起悲歌  
故人知我疎慵慣夢裏雲山鄉思多

黃國琦

國琦字石公號五湖新昌人崇禎十年進士官浦城令單騎諭降巨寇數萬遷吏科給事中閩變南還史可法薦授兵科監淮海軍尋以母病辭僑寓金陵著有賣書買劍集

鄒司馬匪石

支驅西漢雙司馬功駕南陽一臥龍  
除卻三公誰獨立縱

橫天地甲藏胸

寄懷漆憲副尉生

黃鵠愛孤飛，負天矯修翼。豈肯侶鷄鶩，逐逐共爭食。弱水清可飲，若木蒼可息。一舉橫四海，再舉凌八極。朔風忽淒厲，紅日竟西夕。豈不懷故鄉，回首多矰繳。

黃尚賓

尚賓字嘉卿，清江人。用中子，十歲善屬文。崇正十二年，鄉舉甲申。國變，從楊廷麟倡義贛州。桂藩時，官太僕卿。晚歲築室鹿江，自稱虎溪樵者。

鹿江寓舍贈別

風吹石城榜，千里來吾廬。滿眼正新綠，君胡憐萎樗。任俠

自古難於君獨何如憂人量所及畸衆性攸殊慷慨負高  
義謀施匪自居三江水東逝君行復西驅良晤應不易黯  
然惜居諸

遊慧力寺

髫年登眺瑞筠山古樹根盤石磴間月上竹牕閒老衲雲  
深松嶺護禪關降龍鉢底滄波靜伏馬橋頭碧蘚斑六十  
餘年渾似夢憐將清隱對雙鵬

何一泗

一泗字衍之本姓李新建人崇正十二年鄉舉禮  
闈中副車考授推官不就歸自號支離叟杜門講  
學手錄程朱要言彙拈金仁山許白雲鄭所南諸

集爲我思錄

吏隱亭

漢亭不少貴公卿討賊誰能著直聲  
尉以人高千古重官如屍脫一身輕  
至今嶺冒仙家姓自昔亭欽吏隱名  
廿載丹砂吾亦有清風乞鑒采薇情

史簡

簡字文令鄱陽人乘古子崇正十二年鄉舉南上  
春官不第之絕意仕進選上饒教諭辭不赴嘗輯  
鄱陽五先生集又纂芝邵文獻表章鄉先達尤長  
於古文有集

和張公番居廟種竹原韻



苗黍芑芑綠滿村又分卽雨膏龍孫貞心自挺凌雲節勁  
氣先蟠出壑根矯若丰姿斤斧謝蒼然骨幹典型存遙知  
異日難誼處影接棠陰到國門

劉日杲

日杲貴溪人崇正十二年鄉舉與萬發祥友善曾  
謀起義討闖賊不果

貞女歌

爲萬發祥作

吾友萬吉士意氣薄天精策足九霄上詞賦擬長卿胡爲  
丁厄運逆寇入都城我遊山陰道痛哭山靈驚念子勞遠  
懷未知死與生道逢薊門客訊子不絕聲客言太史氏奇  
節無與京仰藥乃不死抗賊遭殊刑形神類山鬼血肉交

縱橫漆身與塗面千古增遺榮豈曰不能死願言佐太平  
予心爲子慰忼慷申前盟正氣江海滿孤懷日星明寄語  
當路子無汙貞女名

康范生

范生字小范安福人崇正十二年鄉舉有文名

鵲湖山

雨過林扉宿暑收紫簫吹月上峰頭露翻鶴夢悟陰冷雲  
護龍居草色幽地僻百年渾太古濤生六月抵深秋神仙  
此日身閒在漫指胡黃作勝遊

周分封

分封臨川人崇正十二年鄉舉有藝房別業集

謝靈運墨池

一鏡溶溶春漲時  
宿雲收盡得新詩  
夢生南國花爲筆  
人去西堂草滿池  
麝醉香泉堪養  
鰓魚吹綠浪漸成  
緇蒼苔  
屐跡分明印兩晉  
風流尙在茲

黃位中

位中臨川人崇正十二年副貢著史痴小隱卮言

靈谷對棋峰

懸知此地有真仙  
一局能消幾晝眠  
似欲守元常讓白  
但思處後莫爭先  
樵夫可是重來地  
橘叟應分小有天  
就裏輸贏君勿問  
桃花還記避秦年

喻中立

中立臨川人崇正十二年副貢

大華山

蓬萊佳氣靄崆峒高入層霄度晚鐘寶蓋仙壇元鶴隱石  
崖雲篆紫花封扶桑日近依三島開闢風生有九重勝槩  
江南稱第一琪花瑤草近來濃

青洲漁唱

夜靜扁舟棹明月青青蘆葦白成雪得魚沽酒且高歌欸  
乃聲中夢吳越

湯來賀

來賀字佐平南豐人崇正十三年進士除揚州推  
官史可法器重之歷至廣東布政使晉總制加兵

江右詩卷八十三  
部尚書不就歸主白鹿洞書院學者稱惕庵先生  
有內省齋文集及鹿洞邇言居恒語錄廣陵東粵  
政事諸書

過舊寺次拙庵韻

將薺辨羣峰微雲在孤嶺蘭若隱其間潭泉心共冷衆卉  
含新色頽垣延古影靈域世情稀懷抱春日永清澗濯吾  
足崇岡振吾領迢遞見匡廬憩寂觀幽境我心多憧憧茲  
焉安可靜

懷孔登小卓左車龍文許師六

動息無所營蕭然似孤鶴幽棲疑跼踖曠懷仍廓落世人  
無是非吾心自哀樂深林濯微雨寒泉鳴澗壑洗耳謝沉

冥于焉守耕鑿

西林寺

寂寞西林寺香龕對翠微  
虎馴無故跡僧病掩柴扉  
火爍青山塔苔侵古佛衣  
率更碑可讀坐臥竟忘機

徐芳

芳字仲光號拙庵南城人  
崇正十三年進士官澤  
州知州以治行第一徵後  
與鄧廷彬入山偕隱有  
松明閣詩選懸榻編

讀元次山詩有感

春來十宿皆雨偶向小樓靜  
以聽之樓雨挾山聲  
來益復清絕義不得負消  
以元次山詩頗稱次山

時遇皆優于我而愁尙爾那得更起次山使詩今日然次山詩非于山雨靜夜讀之抑讀不有徐子皆失次山是宜有詩以紀夫徐子詩不如次山而愁過之則使之詩次山宜有合矣正月廿九夜

山雨多奇響的的高樓登樓聽雨聲蕭瑟若清秋伏讀漫叟詩慷慨激心憂漫叟何多情漫叟泊無求漫叟殊荒唐狂吟衆所矛漫叟愁滿腸落紙聲啾啾豈無一身策要爲天下謀我家吁南村五載一歸休不識鄉鄰苦勉看壩丘又復摧殘多芟刈等寇讎更問退谷翁溪溪有此否春田遍荆棘夜靜野風颺負此膏雨恩十畝無一收偷情感年齒坐食省愆尤明當刻非種庶以習鋤耰

灘舟吟

閩溪十九皆灘險絕天下跡其阻峭宜同弱海而  
乃有舟以相凌抗始作俑者誰氏之子哉卽類而  
推天下之大何所不有因度燕子巖走筆識此

稜稜齒石撞舟立舟子蕩舟刺石入石來搏水水搏舟短  
棹輕翻去何急風濤出沒虬螭奔光怪驅馳雷電熠咫尺  
分明隔生死浮沉何處費呼吸老人搖目誠無譁雛客乾  
唇不暇泣忽焉抵礪已搖搖或爾安瀾猶汲汲吁嗟行險  
理宜然巧與危鄰慎所習

上河晚眺

不踐龍津道于今二十年蔣山空遠岫江浦自蒼烟晚綠



餘堤柳寒香賴渚蓮後庭花莫唱容我暫流連

胡因臣齋頭卽事

朱軒通繡幕高架接疎林想見科頭坐時還蹙額吟異香  
圖史氣野翠石花陰只此人堪老無勞山更深

春日晏江舟中

古砌雙苔岸微風一葉舟高天容放眼曲枕恕低頭村燧  
青相亞雲涼白未休五湖猶夢想何計問滄洲

舟中寄家升伯

所之無一可空自得離羣弱蝶難歸夢孤鴻不可聞共天  
猶薄月極浦自寒雲龜勉扶籬菊霜時好伴君

單懷道上早發

立馬宵何處千峰迴若齊地過河濟大天入太行低急雨  
龍爭挂長烟烏亂啼梁園不忍別鳬雁久淒迷

秋日同林孔碩登鼓山宿白雲堂卽事

蠟屐鬼與互換行石門深去可憐生幽溪古樹濤無恙凍  
壁寒泉雪有聲嵐氣半江秋水合毫光千佛夜燈明蹉跎  
未是茅蓬料愧殺名山處處情

雨霽過吸江蘭若訪無一上人

死心端的似寒灰數畝荒畬一手開已聽聞雲移枕去無  
妨好岫入簾來籬疎細補多憑竹塢闌平栽總是梅茗罷  
知子習不住荆扉自啟送人回

獅子峰晚眺却過無諍居訪九達上人

螭郭蜂房望只迷  
臨高便欲笑人低  
輕將鳥舉真同翮  
險倩僧扶絕勝繫  
小艇衝烟蔬圃下  
亂峰銜日竹窓西  
蛸苔碎蝕何年字  
屢縮雙趺避舊題

園關晚泊

欽闌曲渚晚烟新  
密漿輕篷疊作鱗  
十九年前曾去路  
一千里外再來人  
嶺色全遮天局促  
潮痕欲上水逡巡  
鶯花寂寂菰蘆夜  
莫歎春歸總不春

再過西禪和其公作

迢遙杖笠本無端  
繚繞山情最此安  
林鳥窺人成舊識  
庭花綻雨作新歡  
每依鐘梵愁都盡  
得近松風夢亦寒  
歷歷明明誰舉似  
紅蕉翠柳碧琅玕

馳僻如音少寂寞彌堅出世情

### 劉天駟

天駟字季駟新建人崇正十三年武進士有勇力  
好騎射已而讀書甲申變後倡義勤王官至右軍  
都督府加太子少保後死節謚忠烈

守虔城力竭繫赴江城舟抵章江門望西山感賦  
江水平如鏡青山不改顏自知南八好軍愧岳家難力竭  
睢陽潰時違壯繆殘平生忠義志漫回首邱間

### 王必迷

必迷字賓明湖口人崇正十五年鄉舉見時事日  
非決志隱遯築室劍山麓名其谷曰濯纓屢徵不

就

題三學寺

湖口古彭澤縣治武山陽號爲三學寺後乃公祠堂絃歌  
八十日伏臘永勿忘同時有周陸過此間徜徉道祖絕家  
室誦佛往西方陸君持羽扇九轉燒瓊漿淵明一盃酒太  
古歸茫茫孰知生與死大道無短長匡廬萬古色與君遙  
相望

蕭韻

韻字明彝號元聲南城人崇正十五年鄉舉幼穎  
慧旣長尤勵節操與徐芳交最密甲申後旣葬母  
築祠墓側自號長松居士終身不復出著有天文

王應補律呂宗理學會歸讀史眼韻學考山居十集

雙瀑泉

百里芙蓉湛碧秋千尋飛雪捲丹邱人間不斷流瓊液天上雙看挂玉蚪

周易象

易象彭澤人禮嘉子崇正十五年鄉舉有藝園集

鳴山莊

敢將詩酒學陶公幸有溪山不厭儂三尺繩床穿石溜一間茆屋出雲峰棗麻到處攜烟鋪風雨終宵聽水春此際閒愁都掃盡世人休更笑疎慵

江西詩徵

卷六十三

明二十五

三

饒昌孕

昌孕臨川人崇正十五年鄉舉

答人問山中

草色緣於茸何緣訪秘蹤一緘知底事千里間高峰未許  
移文到驚傳尺素封方慚書不報隔寺已聞鐘

天寧寺

古寺依城角殘碑臥市心砌藏蟲語碎廊住馬蹄深寂寞  
無僧過徘徊有客吟霜風吹落日到處映寒林

仙桂峯

鐘聲一度夢初回宮闕分明鎖綠苔何日黃梁無飯熟偏  
教塵眼醒難開

饒昌清

昌清臨川人

江隄遇風

紫微垣下雲千疊  
吼起春江驚霹靂  
何用勞勞更問津  
穩驪龍背橫吹笛

劉世華

世華字欽之宜春人  
崇正十五年貢於鄉  
力尊程朱之學  
尤邃於易有易經秘旨異學辨諸書及芝房雜稿

盧洲

力障迴瀾是此洲  
層雲如畫擁高樓  
江聲山色無窮趣  
莫

江西詩徵

卷六十三

明二十五

三



遺蘆花白土頭

萬發祥

發祥名養正以字行號瑞門新喻人崇正十六年  
進士歷官兵科給事中闖賊陷京師數仰藥不得  
死被執拷掠闖潰間道南歸與楊廷麟萬元吉同  
死贛州

述遊寄二弟

貧賤驅遠遊亦有山川好雞林富羣言將以綜吾道鬱鬱  
桂山叢杳杳離鴻操纏綿中夜思北風誰與告

寫懷

煮字難爲歲棲山且有身燕鶯春事老豺虎世途屯中夜

嚴天告窮年望俗淳公主如可用先事席儒珍

甲戌九月之金陵舟次蕭灘

沙際月爲白洲前浪轉輕坐移紅蠟影來照石龍城  
鐘吹雄江路山鐘澹客情家人此良夕應其計舟程

贈蕭心恒丈

天地扇爐烟松風一角巾人情笑疎闊市隱尙清真  
樽酒無虛日丹砂信壽民勞人有餘羨韁鎖未除身

旅夜不寐感羣秀失遇而歸

霜瓦小樓侵青燈照苦心縫衣粗擬古舞袖媿如今  
明月歸舡滿西風旅柝沉黔婁應有節理達付知音

不遇病困

極目青旻迥長風得似渠家山窮季子藥裏病相如鐵骨  
支吾甚蓬心展轉餘丹邱誰羽化塵外渺愁余

百折歸船瀨寒雲澹故廬羞人嘲破口悞我讀殘書似放  
窮邊苦休尋近市居山妻成一笑杵臼亦空虛

仲春朱不敏惠詩筴用韻答之

棲蹤水閣遠停雲鐵籬聲中月幾分重客臨叩邀過從高  
吟梁甫當聲聞百年意氣傾龍尾千里才能空馬羣江上  
風烟停雪棹相思後夜倘論文

謝劉毓垣

輪蹄周道識荆初百里鄉園歲月疎自笑撻門閒似水却  
令訪舊出無車東山嘯傲留清望北道殷勤慰索居邱壑

喜渡河洛再過伊闕

次第鄉城減龍門入望真游絲天際路歇馬渡頭人繡佛  
雙崖古流花一洞新頗矜伊洛道從此稍知津

渡孟津

征車不可歇夷險且相任天意限南北人行自古今躍魚  
雖有力飲馬豈無心惆悵剗舟者功高禍亦深

晚登倚山

煩暑消何處松峰一徑幽霞明朱作戶竹暗翠爲樓野色  
看無厭高空坐有秋自能嘲熱客未敢蹈淹留

黃皇明府招同梅公先輩遊從姑

蒼崖百尺俯溪煙矗立中流意渺然躡磴人都行畫裏扶

筇我亦到雲邊怪奇肯落麻姑後尊宿仍居華子前不解  
謬名呼作從品題端的待鴻篇

足練長垂徑作梭青蒼一線逗嵯峨地能容足休嫌窄天  
但留心不必多野綠高低分夕照江光左右合煙波危橋  
絕頂非慵度留與重臨帶月過

和家升伯唐山

片雲影裏立朝曦花水村村出遠痕想像衡峰七十二祝  
融還自一峰尊

暮煙宜紫曉宜青攤入遙空卽畫屏籬下菊邊收未盡小  
窓分有一疎牕

紅塵漲處任紛菲蒼靄凝時認翠微踏到峰深人不見一

天香濕上春衣

蔥蘢好景亦奇文靜對方知俗是氛伴我鬢華渾不厭多情惟爾與閒雲

鏡疑寒魄水疑洲峰頂徘徊恰似留最是吾廬看處好不會斜曲到如鉤

輕盈片葉涌微藍葉上雲林又一簪近識此中堪結社傍僧添箇小蓮庵

徐英

英字升伯南城人芳兄

舟行九里潭

作客身如葉輕舸信浪行橈柔山屢改灘駛石常爭岸樹

攢天窄潭星亂月明貪程愁晚泊相戒夜知更

秋蟲

此夕誰無思微軀敢一吟因風成斷續帶雨或浮沉遶砌  
渾無力依局竊有心惺惺聽不厭箇是爾知音

山莊春霽

日上紗窓聽早鶯寒衣初解覺身輕貪看綠樹經時坐不  
憚青山徧處行花落小溪流復礙草依曲砌踏還生春蔬  
白課園丁種恰喜紅雲報晚晴

古松

百尺昂霄老更貞參差競秀總天成蒼藤束縛龍鱗老碧  
葉飄蕭鶴夢輕雪裏惟予能獨往山中如爾最長生不妨

宜人君自足干戈滿地羨樵漁

庚辰北上春官孤舟野泊適西川胡飛龍聞戎至自  
皖率賦以志遭遇之喜

遠別孤舟僕侍親冰稜雪柱憫初春相依末路憐同我何  
啻空山喜似人棋後心空憂世局酒邊耳熱問江神將軍  
裘帶逢天外又得談間劍氣新

### 石蓮洞

九子更題說到今石蓮一笑百年心虛堂白業腓秋草幽  
樹紅花落晝陰掃石時過雲水屐傳經欲汎海潮音誰從  
虎豹關前坐重理無絃太古琴

### 宿安仁鎮

江西詩徵

卷六十三

明二十五

三



蘭舟竹簟伴閒書不挂西風六幅蒲江色碧搖溪漲急客  
心元對月明孤池塘但有詩人夢河朔誰同酒客呼咫尺  
蒼崖能慰意雙臺留得一竿無

自悼

何人天地共倘徉燈火抽思夜獨長悔買硯田尋旱澇自  
嘲首自舞郎當鏡空尙說封侯骨冰解誰從得熱方乞巧  
送窮無是處東籬且對菊花黃

重至哲仕寺感舊韻仍和一絕

笑迂籃輿識舊人頻年夜話竹燈親無言翠石聽流響吾  
已如如淨六塵

劉大常

大常字吉生號彰九廣昌人崇正中鄉貢授禮部主事有求野集

步園探春絕句

今年春較去年遲小雪輕寒此一時昨夜故園風信好梅  
花開到隔籬枝

王介慶

介慶字受茲奉新人崇正中選貢知泰順縣有良吏聲擢工部虞衡司主事時劉宗周以救熊開元姜采獲罪上疏力爭之

百丈寺

披襟挈伴思消暑細雨輕烟到上方擬枕白雲無著處亂

泉聲裏轆轤床

郭君聘

君聘信豐人崇正中以明經授建寧通判遷雲南  
新興知州乞養歸卒於家

游香山

周遭煙漠漠目極翠微巔九十九峯路中開一線天巒翔  
岬更錯綺望如青蓮屐齒且不到安能跨鶴仙不肯負驪  
骨還當就石眠

熊文登

文登字于岸新建人崇正時貢於鄉授建昌教諭  
力學嗜古工篆隸晚年潛修不入城市自號松風

主人著石字辨諸集

重興翠巖寺

指點前朝寺蒼烟一路迷龍華超歷劫鶴夢憶幽棲嵐氣  
重重樹花光曲曲谿杖藜思老伴何日話橋西

潘泗

泗字石塢宜春人崇正中貢生嘗聯鄉勇禦隣寇  
里中賴以安後官訓導以老歸

韓文公祠

重拜昌黎道左祠冷風涼露滿荒墀海潮自湧千秋筆山  
斗還欽百世師直道固知當去國投荒何意尙留詩先生  
不患功名薄文教終須費主持

吳雲

雲字天門號舫翁安福人崇正中拔貢幼稱神童

晚隱居武功苦節勵學以朱子爲宗尤精書法

按高

安有吳雲嘉靖中爲府掾從王文成征宸濠者

武功和白長庚壁間韻

我是南山採藥翁十年風景可還同  
洞中葛祖書仍在海上麻姑信不通  
白鶴峰橫天柱北青龍瀑掛石梁東  
猶思當日羣仙醉曾有松花落酒中

答示仲子蘭仲子萱原韻

老來情性與春和引得相逢笑處多  
閒向花前同對酒每從月下一高歌  
莫愁白髮都成鶴尚有黃庭好換鵝  
名姓

何妨人記熟江湖許大任漁叢

螺山石

山中螺子石乾潤各輪年地脈陰陽正人心彼此偏怪寧  
聞晉語仙不許秦鞭莫踏蒼苔破留他好補天

石室有感

空巖留客是斜曛洞口依稀認白雲江上難逢倉海使山  
中不見武夷君只看黃鳥還求友何事青猿竟失羣舊日  
影堂今寂寞一聲清磬幾僧聞

熊斯男

斯男字力民新建人崇正中歲貢有王餘草

潭州

無端風雨蹴飛花客裏春過不見家人入異鄉迷大澤馬  
蹄熟路到長沙奚囊舊事璫仍在折券何人酒漫賒日暮  
江流爭去住空懷屈賈向天涯

梅子嶺

有嶺名梅子無時入蔗根鄉心酸不盡策馬向黃昏

黃華賜

華賜臨川人崇正中應天副貢

靈谷

羣嵐環抱靈山岑森森玉筍排瑤林南瞰盱江千水落北  
峙匡廬萬峰錯峰頭白雲時往來瀑布直下生風雷墨池  
蜃拂石床霧丹竈夜添仙掌露自古登臨推謝家江山才

盡無精華邇來諸子登壇坐飛箋屬子相倡和我詩落筆不敢成但恐風雨山中驚

段以獻

以獻字亦羽湖口人崇正中貢於鄉

讀書臺

秋山何蒼蒼石蓮秀天表我尋讀書臺值此風月皎鶴影橫古今雜聲罷昏曉誰識此中心孤雲與飛鳥

胡學浹

學浹字悅之號密庵豐城人少爲張受先陳臥子所重抱才不遇作廣已賦以見志傳誦一時甲申後當以明經得官辭不就著有大雅堂集



宿慧力寺

雨餘江漲起水抱一城流雙屩新泥滑孤筇夕照留雲晴  
星欲盡春靜夜疑秋妮妮同鄉話那知作客遊

戊子兵圍章門劉子峻妻吳氏妾朱氏俱被執不從  
死於水子峻哀之乞余賦詩

名節雙雙弱骨持千秋生氣令人思鴨頭漲綠東溪恨鵝  
口流紅幕雨時泉下芳魂攜好伴風前玉樹立佳兒鬚眉  
愧殺稱男子生死關頭怕別離

趙 嶷

嶷廬陵人崇正末副貢

中條

太華餘青靄中條互紫烟關河渾不斷秦晉勢相懸隴首  
王官閣巖邊傳說泉秋聲蕭瑟裏獨想聖人絃

小三疊泉

不信枯魚泣誰知渴鹿奔山原無絕路水亦自開門壁立  
飛千仞雲流響一痕猿啼與鶴怨清絕伴晨昏

趙巍

巍廬陵人

佑華山

山色日以高山氣益以橫朝雲與暮雨佳期在晚晴相彼  
歸林鳥徘徊霄漢聲千載此歲月悠悠適物情始知鸞鶴  
意亦在九臯鳴

蔡國藩

國藩字介甫金谿人國用第三十年足不入郡縣  
三舉賢良方正復舉正儒實行俱不就例應貢亦  
棄去素精易學間楊左諸公罹闖禍卽泣下謂治  
亂之機決於此遂隱泰華山講學著書學者稱止  
符先生

項山寺

項公何代啟芳林嶺色溪聲閱古今秀蔚名藍三界闢花  
飛講座五雲深登臨那可無仙骨文字原能悟佛心却羨  
湘颿歌韻歇霜空獨鶴唳秋陰

陳宗虞

宗虞字姚生南昌人崇正時諸生博涉經史達時  
務父子貞巡撫福建以勞卒未及題恤宗虞疏乞  
予蔭上時務策十二條約數萬言部議格不行遂  
絕意仕進明亡亦卒

### 望湖亭

立馬停江驛攜筇陟古亭江長天共白山碎島俱青斷石  
留元碣蒼苔剝宋銘闌干斜日下錯落上春星

### 楊益介

益介字友石一字守道新建人諸生督學蔡懋德  
侯峒曾以國士目之甲申之變作絕命辭已聞李  
自成死構冰雪堂隱居不入城市者三十年有詩

文集

乙未冬十月楓林哭亡弟墓

八年腸斷脊令詩來向荒山灑酒卮野冢一杯青草沒孤  
魂百里夜猿悲慚余假蹇身猶在累爾經營力不支今日  
亂離成死別遺骸未可卜歸期

楊益俞

益俞字元石一字叔平新建人益介弟喜爲詩旁  
通書繪琴奕之藝性豪宕明季浪遊江湖客死有  
半山齋遺草

秋暮遊東湖

萬樹蕭條起朔風滿天秋影落長空湖光淡處猶飛鷺雨

氣沈時忽斷虹  
堊艇半搖雲水去  
清歌全在畫圖中  
留人  
好景天將暮  
兩岸溪流聽不窮

過湖上

偶來湖上坐因添  
半日閒東風吹綠水  
縹緲近朱闌  
堊鳬浮又沒閒鷗去  
復還日暮遊人盡  
輕烟在釣竿

滕王閣

偶來高閣一開顏  
水滿長江舟滿帆  
十里縹緲烟樹裏  
西山只許野鷗閒

次曹秋岳登滕王閣韻

海微晴峰偃入蠻  
江流明月映刀環  
風雲橫吹曾千騎  
今古憑闌只遠山  
詞客名隨芳草沒  
煙波地接戰場閑  
婆娑

漫羨南樓屐廣廈春風已萬間

劉吉

吉字耐庵南豐人幼有神童目年十一補弟子員  
益藩聞其名以公輔期之引見王妃親爲總髻賜  
予甚厚甲申後遜跡松門寺結茅數椽歌詠以終  
著有二愚草

連日餘松門

山寺無鐘鼓晨昏一磬聲松門雲過住竹逕鳥遲行香好  
禪心定茶闌酒意生種桃何處是連榻話詩情

初到松門寺

二月鶯花鋪地闊葛裘隨換自難猜樵歌斷續蒼煙裏石

磴高低碧草陰萍水無心依衲老松風有意喚人來問  
遙指前邨近隱隱鐘聲是梵臺



